

MANU

Ciapputi taddhuti ri cadhi
cripiati
ri jèlu ri suli ri vientu
ri fatica
viddhanu ri Sicilia
pajsanu:
Ri comu sù nciusi
ammùcciuunu i cياج
spini pruffichi muzzucuna ri lapi.
Ma se i rapi
chiddha manca a-ccuppitedhu ammuthra u so cori
comu penni ri l'uocci
ardenti gghilusu r'amuri.
Chiddha ritta è cciù fforti
nirburùta ri pùjsa
e i so ita
se i stenni sù ccrocca
tinagghi scarpedha virrini
fàuci
i stigghi ca simina e rricògghi
a campata
sangu rattannu nti sta terra ciamata vita.
E se a pinna nunn'è ffacili tinilla ca scrivi
unni cci-à-sinna na cruci è na firma 'i nutaru
palora r'anuri a ccuostu ri pèrdhiricci a facci.
U gghèstu
senza tanti palori
è 'n-niscursu ca u capisci cù sapi.
Rê cunti cciù mmiègghiu ri m'maistru ri scola
nca
unni nunn'agghica a sthruzione
ppô stùriu ca manca
ccô ggnèggniu cciù finu cci-à-rriva a mamoria
E nu-mmàncunu a sira r'ogni ggn'juòrnu ca scura
pp'antica ddhivuzzioni
ca scùrrunu
ssi ita storti aruci i rani râ cruna
e u ciciuliu arrispunni a la vuci
a nnomu ri Ddiu.